



Poštovani,

zadovoljstvo mi je pozdraviti Vas u ime Vlade Hercegovinačko-neretvanskog kantona, koja i na ovaj način, putem web stranice, široj javnosti predstavlja svoj rad i funkciju.

Inače, web stranica je odraz svih aktivnosti Vlade Hercegovinačko-neretvanskog kantona, a njome Vas želimo upoznati sa strukturom Vlade HNK, kao nositelja izvršne vlasti, te ministarstvima, upravama i zavodima koji djeluju unutar Vlade, kao i s kratkim opisom poslova kojima se bave. Na ovaj način javnosti želimo približiti dešavanja unutar Vlade HNK, kao i zakonsku regulativu objavljivanjem zakona, propisa i odluka koje Vlada predlaže, a Skupština HNK usvaja.

Slijedeći razvitak tehnologije, uveli smo i bogatu fotogaleriju, audio i videozapise, kako bi smo predstavnicima medija i svim zainteresovanim za rad i aktivnosti Vlade HNK omogućili što kvalitetniju informisanost. Cilj nam je, prije svega, osuvremenjivanjem službene web stranice osigurati istinito i objektivno informisanje.

Kao što znate, Vlada HNK-a, čiji sam premijer konstituitovana je početkom novembra 2011. godine. Od prvoga dana do danas uspjeli smo, usprkos zatečenim poteškoćama, raditi i funkcionisati kao stručan i politički zreo tim, voljan saradivati za dobrobit svih građana Kantona.

Dakako, kroz Ekonomsko-socijalno vijeće želimo imati stalni dijalog sa socijalnim partnerima, kao i biti socijalno osjetljivi prema najugroženijim građanima, te imati sluha za potrebe, prijedloge i sugestije predstavnika svih sindikata korisnika Budžeta Hercegovinačko-neretvanskog kantona. Nezaobilazno je nastaviti s uvođenjem mjera štednje gdje god je to opravdano i moguće, ali i stvoriti plodno tlo za stvaranje novih radnih mjesta.

Držim kako je bitno istaknuti prioritete Vlade, koje smo timski zacrtali, i to: budžete za sljedeće godine donositi u tekućoj godini, te ih kreirati tako da iz stabilizirajućih i socijalnih prerastu u razvojne, one koji će dati poticaj razvoju privrede. Naime, uz navedeno, potrebno je uključiti sve raspoložive snage i resurse koji mogu doprinijeti punjenju Budžeta, stvoriti preduslove za brži privredni rast, poticati razvoj poljoprivrede i turizma, te ojačati međuregionalnu saradnju.

Na kraju, želim istaknuti svoju otvorenost za saradnju, komunikaciju i konstruktivne prijedloge u vezi s cjelokupnim djelovanjem rada Vlade HNK.

S poštovanjem,
Premijer Denis Lasić